

totum sunt sal pro quo sale accipiendo omnes circumstantes a xxx dietis accedunt. est e[n]i[m] melior qui reperiatur in mundo. set tam durus quod ex eo nisi cum piconibus [non] potest toli. ibique in tanta copia reperitur. quod vniuersus mundus ^{12^o} ad sui usum inde uberius fulciretur aliqui uero montes sunt habundantes in amigdalibus & pistachis ex quibus forum maximum inde habetur in hijs etiam contratibus habitationes multe sunt habundantes in fructibus bladibus & uineis habitantes uero legem machometi observant qui mortales sunt & perfidi & iniqui. multumque perseuerant in potationibus quia bonum uinum habent coctum/ nec uestes alias ferunt nisi de bestiarum pelibus/ cum uero itur per tres dietas inuenitur quedam ciuitas nomine Scassemo que cuiusda[m] comitis est & alie sue ciuitates & castra in montibus sunt. per medium itaque ciuitatis istius quoddam flumen aliquantulum magnum decurrit. sunt ibi multi porci spinosi apud quos dum uenator canes inuehit porcus totus in se glomeratur postmodum spinas que parum retinentur in pelle super dorssa canum proiciens & cum ipsis in pluribus locis uulnerans ipsos canes hic non sunt montes saxosi set de terra sunt

Macometi legem observant

Macometi legem observant

Balaxian est prouincia quedam gentes cuius macometi legem observant & per se loquelam habent magnum quidem regnum est per successionem hereditariam regitur que progenies a rege alexandro descendit & a filia regis darij magni persarum/ in ista prouincia nascuntur lapides preciosi qui balasi appellantur & in magnis nascuntur montibus/ Rex uero facit in isto monte fieri cauernas. quemadmodum fatiunt qui argentum fodiunt nec alius terrigena uel forensis preter quam rex lapides istos audet in pena capitis & eris aliquo modo fodi facere uel cauari nisi de gratia speciali per ipsum regem concessum fuerit alicui/ & hoc facit quia ^{13^o} uult ut eius balasi propter honorem suum maioris ualoris sint & cariores habeantur ubique quia si quilibet ad libitum foderet & extra districtum portaret tanta copia ibi est quod fierent uiles nec tanti essent ualoris item hic inueniuntur montes in quibus sunt lapides de quibus fit açurum melius quod reperiatur in mundo/ sunt etiam ibi montes in quibus uene inueniuntur argentum ramum & plumbum producentes in maxima quantitate. frigida quidem prouincia est inueniebantur in hac prouincia equi qui descenderant a natura equi regis alexandri bucifalch nomine qui nascebantur omnes cornu habentes in fronte sicuti bucifalch. quia ab ipso equo eque conceperant set postea fuit destructa tota illorum natura./ habent frumentum bonum & ordeum nascitur ibi sine cortice uidelicet quod totum est medulla nec remulle trahuntur ex eo/ quasi omnes uestiuntur corijs bestiarum. quia aliarum uestium caritudinem habent/ item proprietates montium talis est ipsi sunt altissimi ita quod de infimo ad sumum in itinere dura[t] homo a mane usque ad uesperas priusquam possit ascendere in sumitate uero sunt planities magne ubi ubertas herbarum & arborum ubi fontes magni & purissimi qui tanquam flumina